



Inuit Ataqatigiit Inatsisartuni

Ulloq: 27. september 2006

Ane Hansen

UKA 2006

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuuna saqqummiuppara:

- **KNI A/S-ip ukiup affaani siullermi 75 mio. kr.-nik amigartoornera Naalakkersuisut iliuseqarfiginiarpaat?**
- **Arctic Green Food-ip 27,8 mio. kr.-nik amigartoorpoq taamaalillunilu piginneqataassutit 5,3 mio.-nit annaaneqarput, Naalakkersuisut tamanna qanoq iliuseqarfiginialersarpaat ?**
- **Qanoq ilillutik Naalakkersuisut qulakkeersinnaavaat nunaqarfinnut sullissinerup ajorserianginnissaa, KNI A/S-ip ukiup affaani siullermi 75 mio. kr.-nik amigartooruteqarnikuunerani ?**
- **KNI-p ukiup affaani siullermi annertuumik amigartoornera Naalakkersuisut KNI-p aqutsisoqarneranut siulersuisoqarneranullu sunniuteqartinniarpaat ?**

(Ane Hansen, Inatsisartuni ilaasortaq, Inuit Ataqatigiit)

Tungavilersuut:

Atuagassiaq Sermitsiaq 22. september 2006 saqqummersumi allaaserisaq malillugu KNI-p pisortaanerani oqaatigineqarpoq, nunaqarfinni mikinerusuni ingerlatsivinnik matooraaneq tamatumalu saniatigut sulisut ilaannik soraarsitsinissaq pinngitsoorneqarsinnaangitsoq.

Taamatut saqqummiussaqaarneq ilumoorunneqarnerisq Naalakkersuisunik uppersarsarneqartariaqarpoq.

KNI-p ukiup affaannaani 75 mio. kr.-nik amigartooruteqartussangornera nunaqarfinnut mikinerusuni ingerlatsivinnik matooraanissamik kinguneqartinniarneraaneq akuerineqarsinnaangilaq.

Eqqaamavarput Nunaqarfinnut Assartuivik, Neqi A/S-mik kiisalu Arctic Greenfood KNI A/S-ip Direktørianit Pilersuisup ataani ingerlanneqarpata inuiaqatigiit ingerlanneqarnerannut

akikillisaataassasut neriorsorneqaratta, aammalu neriorsorneqarpugut nunaqarfinni
kiffartuussineq ajornerulersinngikkaluarlugu Pilersuisup ataani
ingerlanneqarsinnaalluartut.

Taamaamat KNI-p siulersuisui piumaffigineqartariaqarput piaarnerpaamik KNI-p ataani
ingerlatsiveerarpassuit siunertarisaq malillugu ingerlanneqarnersut nalilersoqqullugit.
Pisariaqassappat ingerlatsiviit ilaat allami pitsaanagerusunik ingerlanneqarsinnaanginersut
nalilersortariaqarput. Pisariaqassappat ingerlatsiviit pisortaqarnerat ilangullugu
nalilersortariaqarluni.

Akuersaarneqarsinnaangilarmi neriorsuutit piviusunngunngitsoortut pissutigalugit
nunaqarfiit mikinerusut sullinneqarnerisa ajornerulernerannik kinguneqartinniarneqarnera.